

誌書序



志者記也記其實以俟後
之叅考也凡人之臧否事
之得失俗之淳澆風氣之
燥濕剛柔山川之險夷幽

欽定四庫全書
欽州府志
卷之八
一
做兵刑賦役戶口城衛之
多寡堅瑕必犁然具備確
然有徵始稱全志贛固舊
有志哉間畧而弗詳浮而
不核疑而無徵裨官也野
史也此與耳食鼻聽何異
雖志猶弗志耳宜鳳渚先
生之慨乎有意其續脩之
也今閱其條分縷析別類
分門善善不溢惡惡不苛

或信一心不必逢曹衆或
信千古不必愜目前或錄
長而短自賅或標實而名
自附奉以天道秉以虛心
叅之輿情酌以獨見經幾
許歲月敲駁而始成書備
則星羅海蓄確則金石四
時上之
虔臺周公公曰可質之
叅籓王公公曰可證之諸

大夫國人咸無不可予文
龍濫竽典郡有專責遂領
而付之梓同事者則司馬
翟君元肅司理申君用嘉
顛令劉君永基而別駕伍
君教拮据於先朱君凌霄
畢役於後力尤倍焉後之
目是志者熟虔南之故實
於紙上因以窺公胸藏之
富於筆端公之功且與志

章州府志
序
同不朽矣天啓辛酉仲夏
念日序

虔守閩中余文龍題



重刻贛州府舊誌序

今天子坐明堂以出治轂郵

萬里東西朔南遠軼漢唐
宋開天之版遐邦文獻悉
達職方禹貢幅幘不克博

綜成書以備大一統之典
亦安用此山諸侯澤諸侯
爲者贛州在天末屹然爲
三湘八閩五嶺之奧區於
時天雨矢地涌于于章貢
之湄者以數載隸我正朔
獨後諸省欲懷柔而救寧
之將何以按籍如指諸掌
勾章氏邈矣吳楚越之不
常所治也夫斗牛女之野

所聞所傳聞異辭石梁之
敗阜口之阻不可謂地險
之非山川丘陵也元詔天
下無修城城日就圯四方
兵起始再修于全普菴撒
里之手無事之備庸敢一
日弛哉彼白鵲翠玉駒巖
鬱孤之間僅子大夫事耳
明洪武初戶以八萬二千
計口以三十六萬六千計

永樂減其半成化再三減
其一弘治中過成化而不
及永樂兵興以來膏原野
者更凡幾青羊白戈之害
寧有豸耶按齒程能政莫
先焉填撫之設肇自金澤
文成定難遂大厥功其他
大帽山三巢之捷咸銘戈
鼎卽守令倅尉罔不各靖
乃職事不有君子其何能

國百勝昭信廟軍萬戶部
之號代不相襲大約不能
偃武建鎮募卒無事則坐
糜衛所之旅率足以建威
銷萌叅戎命大猷未聞以
權輕墮乃績也稅在虔關
於諸關稱微者商賈雲屯
時以其餘佐大中丞敵愾
之需今嶺海犀象珠貝之
利未盡通權使者迭中考

功法倘貯帑以豫緩急于
司農若錙銖也虔俗尚鬼
大類食殍食不祥食夢食
磔死寄生者言顧岳忠武
手高宗詔屠城力爭者三
乃免常開平以大將軍下
城不擅殺一人社而稷之
不獨濂洛諸君子位不祧
也士讀古人書詎功名是
急無人焉踵鍾紹京董越

而起余無責瞻彼玉巖高
踪未遠善山洛村諸風流
猶有存焉者乎左氏傳春
秋不黜神怪石鼓白雀以
暨登木杪去兩腋生龍鱗
告漢灌嬰以捷期又被瑪
瑙帶賜者未必非閱覽博
物之一端也十蛇聚龜之
譚傳出郭璞詭而不可信
二井三池理則有之螺女

木客不一而足白孟蘓黃
宋李輩皆筆補造化矣余
樸不能爲雕語又虞無以
成大一統之典得舊誌十
八卷慮截趾而適屨也爰
仍而刻之後之君子察險
要相風俗何以使儲則以
委積巍峙聞備則以戍樓
曾巖聞遊吏以無疲騎將
士以無缺爰聞帥無以漁

東垣府志
卷之六
八
擾其下而譁其口聞百姓
無以殫不餽聞當有按籍
如指諸掌者又不在區區
日若耳之四寸間也

嘗

順治庚子十月旣望

賜進士第江西贛州府理
刑推官中州周令樹書
于不媚堂

中國會

經緯辭

虞祚
在斯
周氏
山章

重刻贛州府誌序

予以巳亥叅藩嶺北下車之始
郡守以職事相見卽以誌書爲
問蓋以爲政必先察其風謠相
其土宜經理其山川考正其貢
賦然後因地成化隨俗致理至

要也而郡守對以兵火之後版籍灰燼無復存者予悵然久之閱數日司李周子計百購得舊本見示予受而讀之義例謹嚴事辭詳該猶稱善誌惜止于明熹宗朝莊烈以來闕然未載乃下檄所部網羅佚事搜輯菟文將徵聘耆儒開局纂修適予以病請告未暇竣事念無副本恐久而散失于是謀之計百蠲俸付梓以永其傳至于廣採旁羅以成全書則俟之後人焉謹按

贛之爲郡處江右上游地大山
深疆隅繡錯握閩楚之樞紐扼
百粵之咽喉漢唐以前率以荒
服視之至宋濂溪先生通判州
事其時趙清獻公爲守而程大
中先生令興國大中識濂溪于
南安明道伊川受學焉伊洛文
獻之傳淵源實肇于此文信國
守郡建大義興勤王之師故至
今豫章理學節義爲海內師表
而贛郡尤著云然山僻俗悍界
四省之交是以姦宄不測之徒

時時乘間竊發疊嶂連嶺處地
既高俯視各郡勢猶建瓴非得
博大通方威信重臣鎮撫其地
則四省徃徃多事故前代特命
憲臣駐節于郡王文成公授提
督專征伐剗平山寇厥勲爛焉
及宸濠逆命天下震動公率二
三郡守統兵數千旬日之間擒
殄宸濠舉豫章數千里地歸之
朝廷豈非重地得人之明驗與
而文成公學本周程在贛日與
南野東郭洛村善山諸君子講

明良知之學天下學者以虔南
爲歸南野泰和人東郭安福人
洛村善山皆郡之雩都人可謂
盛矣噫虔南之盛衰旣關數省
之安危而聖學之修明每肇端
于茲地則其山川必磅礴鬱積
滌迴蜿蜒故能固東南之靈氣
蓄造物之秘藏而非他郡所可
頡頏也予旣考閱舊誌得其形
勝扼塞之要間嘗登城四眺見
崆峒天竺萬峯迴合貢水章江
雙流奔湍北顧十八灘巨石側

立如犬牙森森想見清獻疏鑿
之跡未嘗不俯仰愾嘆云時率
官師謁濂溪二程子講堂修其
俎豆信國文成二祠亂後或敝
壞或焚燬予移祀于濂溪書院
與諸生執經揖讓于前念典型
之尚存思音徽之如在蓋不禁
爲之低徊留連也獨是山川如
故風俗漸漓戶口消耗賦役繁
難且伏戎未靖鄰氛時警選舉
應南宮試者十二邑僅數人耳
嗚呼何今昔之不同如此是非

順治十七年歲次庚子夏四月

朔旦

善山其人

出而獻之

管全

賜進士中大夫分守嶺北道江
西承宣布政使司右叅政前陝
西提刑按察使司副使整飭潼
關等處兵備兼分巡關內道翰
林國史院檢討睢陽湯斌撰



重修贛州府志小叙

郡志修于嘉靖之丙申距今八十六年徃矣已
事闕如失今不續後將何攷萬曆間郡大夫有
議及此者曾兩開局未睹厥成丙辰之歲蘭陽
李公以司榷別駕攝御篆重有意焉而謬屬予
以筆札之役予謝不敏而公意彌篤會長洲金
公來爲守謀與公合則再四趣之予廼鍵關窮
畧取各邑新舊牘稍爲編次旣成帙惴惴不稱
度之案頭者久之已而兩公俱以遷秩行事亦

旋寢司農伍公後至嘗受李公託數過山房索
予志藁甚亟予遂巡出而請正公卽携去今春
督漕綱赴省會遂命書掾繕寫成却歸而進之
堂長余公余公不鄙輒付梓人旣爲區處厥費
而一切鳩匠供餼更以煩司儲朱公凡越四月
殺青斯竟詔也自慚黥淺之識益以衰耄之年
麗枝易窮豹窺寔短匡其不逮尚冀望于後之
嗣修者

天啓改元嘉平月朔日郡人謝詔謹識

嘉靖庚寅志序

郡守王世芳

贛州府志正德丙子前守當塗邢公始聘刑部
郎中長汀李公堅修之屬草已完而邢公以擢
官去金陵羅公屬其門人上舍生歐陽誠者潤
色之安陸張公復手加校正序其首簡將刻梓
矣屬以更任弗果嘉靖戊子芳偶承乏今御史
大夫容東汪公時以中丞節出鎮茲土復哀其
稿裁決于廷尉董公乃爲重覆考訂并增入近
事前本之所未載者書成而容東公誠召歸朝

矣至是踰年始以入刻刻既成芳復僭序其刻
之之意序曰古者史官分左右左以記言右以
記事左右史備而言與事無遺矣自王朝以達
列國同之三代之制無或改也秦兼天下始廢
國爲郡縣史亦隨之而王朝之史猶沿夫舊耳
司馬子長史記倣古記言之體作八書至班孟
堅易書爲志而後漢魏晉隋唐諸書多宗之然
則今郡縣之志特古國史之一體耳其所記亦
畧矣古今郡國地之廣狹事之繁簡迥乎不同
而記載之書詳畧反異至或缺焉遠無以鑒古
近無以驗今不亦可慨也哉顧爲郡當閩粵湖
江四省之交視他郡爲重邇年來鎮以都臺節
以兵憲視昔時爲加重况在有宋濂溪元公嘗
通守焉維時明道純公伊川正公侍其父太中
公令於興國因學於濂溪所謂吟風弄月以歸
者實在茲土三賢講道之地庶幾與鄒魯並不
尤重也哉顧惟郡志久缺文不足徵豈不重可
慨耶乃今歷十餘年更六七守方克成書吁亦

章分記
卷一
一
艱矣自今更於茲郡與繼今而吏者千里之廣
百世之遠一覽在目由是而施於有政可以議
興革昭勸懲酌損益焉豈徒備典章美觀視而
已乎此志之所以刻也書凡若干卷總若干萬
言

嘉靖丙申志序

郡人董天錫

郡之有志猶國之有史也史家記載有凡例褒
貶有定法足以傳信垂戒乃謂之良史郡志亦
然山川封域之界貢賦之常官府之設因革沿
委在所必錄母容粉飾增損其間例也若乃風
俗之美惡與化移易人才之生視其自樹地靈
不得專主吏茲土者政績不能皆同人品亦不
能無高下於此不審而漫浪書之或過於稱揚
或曲爲隱蔽其於史法皆未盡也周官誦訓之
設掌道方志以詔觀事巡狩則夾王車以行於
政教大有裨益歷世久遠莫考其詳今
天子每歲必親命憲臣巡按一方察民隱而糾
吏弊歸則以聞殆其遺法激揚之責固所自盡

而典籍之徵亦豈分外事哉侍御容峯陳公珏
有見於此乃謀諸都憲王泉王公浚以贛志屬
予脩葺衰病薄劣何能爲役重違其意乃與陳
教授英李舉人國紀參互考訂收其散逸刪其
繁蕪以就簡約備采覽然於直筆不能無慙也
公是非正舛錯尚有俟於後之君子志成憲副
侯公緘郡守康公河退予爲序謹綴數語以引
其端

誌序

郡邑之有誌猶 廟堂之有史也古者天

子之史太史掌之 邦國之史周官小史外史

掌之 所以示後世垂不朽也故孔子曰夏禮

吾能言之 杞不足徵也 殷禮吾能言之宋

不足徵也 蓋深歎文獻之無存而史之

此也子夏子曰王者之迹熄而史亡史亡然後
春秋作蓋深幸春秋之作而史始尊也
今郡邑猶存邦國也其間有利弊
之沿革焉有歲時之苗祥焉有吏治之
淑善焉有人物之挺生焉有賦役之增
損焉有食貨之產植焉固圉無虞則城
過都入國而採風問俗爲已任者舍史
將安賴焉然則郡邑之無誌猶廟堂
之無鼎也其所以而後世垂不朽乎余已
亥之歲奉

以簡

書而驅車江右巡臨章貢知其地居江湖
之樞鍵爲嶺嶺之咽喉省風物政事以章

皆必有可觀者焉。亟問郡誌而考之，孰意
處南自罹兵燹之後，閭閻虛舍半成荆
棘，載籍典墳悉付灰燼。區區郡誌，尚復
有可問乎？不禁三歎而扼腕焉。幸聞郡司
李周子諱，樹者偶召民間舊誌，一剞起於歷
代，步於明。嘉宗朝者，予思創修新誌，是
池是為首務。田疇有恃，則水利是為先
。濱山川，擅秀而土地稱名，往蹟爭奇而
孰覽斯盛。文章闡氣運之盛衰，風俗
睹人情之媿惡，皆一一載諸誌典。為示
後世垂不朽者也。不然，則利弊之沿革，無
攷歲時之蓄祥，莫記吏治不傳，名宦乃

同廢車人物不載徑拒惟同朝露賦後
之增損始諸而日食貨之產植本自何隅
城池築濬者起自何人水利疏通者創
涉西代山川之美泯沒不彰往績之勝於
昔難覓文章不著一方之藻彩無聞風
俗不詳士民之出常尚也稱後之君子其有
非旦夕可成不若以舊誌翻刻聊存文獻
至於明嘉寧以後留之以待後之賢者可
耳因爲之序

省

順治十有柒年歲次庚子仲春之吉巡按江
西監察御史三韓長白李之粹題

嘉慶

修志姓氏



修志姓氏

主修

贛州府知府余文龍

同修

贛州府同知翟元肅

贛州府通判朱凌霄

贛州府通判伍教

贛州府推官申用嘉

協修

贛州府志

修志姓氏

贛縣知縣劉永基

零都縣知縣賽啓臯

信豐縣知縣朱之王

興國縣知縣楊整綱

會昌縣知縣陳一治

安遠縣知縣何舜齡

寧都縣知縣陳大舉

瑞金縣知縣汪漸盤

龍南縣知縣吳彥匡

石城縣知縣陳良諫

定南縣知縣張以誠

長寧縣知縣熊姓

纂修

四川布政使司左布政郡人謝詔

攷輯

人金汝和

彭森

重刻贛州府誌姓氏

總督江南江西等處地方軍務兼理糧餉兵部

尚書兼都察院右副都御史郎諱廷佐號一

柱遼東廣寧人

巡撫江西提督軍務太子少保兵部尚書兼都

察院右副都御史加二級張諱朝璘號溫如

遼東廣寧人

巡撫南贛汀韶惠潮郴桂等處地方提督軍務

都察院右副都御史加一級蘇諱弘祖號耀

我滿洲人

巡按江西監察御史李諱之華號長白遼東瀋

陽人

江西等處承宣布政使司左布政使佟諱鳳彩

號高岡遼東遼陽人

江西等處承宣布政使司右布政使王諱庭號

邁人浙江嘉善人

江西等處提刑按察使婁諱希吳號雲皆滿洲

人

督糧道管通省稅糧事務左叅議戴諱王綸號

彬極直隸滄州人

管通省清軍驛傳道副使許諱纘號魯號淮沙江

南華亭人

提督通省學政僉事李諱馥號蒸號雲伯陝西蒲

城人

分守嶺北道右叅政湯諱斌號荆峴河南睢州

人

贛州府知府張諱爾號鵬先陝西富平人

同知畢

諱

高選

號仲青

山東靈山衛人

通判李

諱

景元

號盛楊

遼東廣寧人

推官周

諱

令樹

號拙菴

河南延津人

贛縣知縣楊

諱

文正

號天柱

江南山陽人

雩都知縣李

諱

祐之

號在公

山東長山人

信豐知縣楊

諱

宗昌

號永菴

北直趙州人

興國知縣沈

諱

正春

號尊廬

浙江仁和人

寧都知縣張

諱

一兆

號萬資

浙江浦江人

瑞金知縣郭

諱

懷琮

號藍田

陝西高陵人

會昌知縣王

諱

志鏊

號海澗

北直曲州人

定南知縣祝

諱

天壽

號奉宸

遼東遼陽人

龍南知縣高

諱

光國

號懋賓

北直寧晉人

安遠知縣趙

諱

忠柟

號卽公

浙江東陽人

石城知縣郭

諱

堯京

號平野

陝西高陵人

長寧知縣黃

諱

龍飛

號翼天

陝西沔陽人

贛州府志目錄 前有序有圖有凡例

卷之一

輿地志一

沿革

分野

氣候

疆界

卷之二

輿地志二

山川

丘墓附

卷之三

輿地志三

坊都 陂澤 街市 巷井墟鎮埠附

土俗 土產

卷之四

營建志一

城池 公署 舖舍附

卷之五

營建志二

學宮 書院社學附 賑卹 津梁

卷之六

營建志三

樓閣 亭臺

卷之七

食貨志

戶口 田賦 土貢 課程

四差 南淮二糧附

卷之八

統轄志

督撫 分守道 分巡道 紀績

章少及詩
卷之九

職官志一

郡 國 州 路 府 儒學

卷之十

職官志二

屬縣 屬學

卷之十一

名宦志

郡守佐領 郡教官 邑令佐領

卷之十二

邑教官 寓賢附

兵防志

軍制 軍職 軍署 軍屯 軍功

武科 民兵 阨塞

卷之十三

權政志

鹽稅 雜稅 解額 支額 廠規

卷之十四

祠祀志

先師廟 羣廟附 先賢祠 壇壝 寺觀附

卷之十五

選舉志

進士 鄉舉 歲貢 薦辟 應例

封贈 冑蔭

卷之十六

鄉賢志

行業 隱逸 忠義 孝友 文學

質行 烈女 附

卷之十七

方外志

僊釋 方伎

卷之十八

紀事志

郡事 軼事

卷之十九

紀言志一

賦詩

卷之二十

紀言志二

記序

贛州府志編纂凡例

一國有史郡邑有志史有世家有紀有志有表有傳郡邑志止具史之一體耳不表不傳懼僭同於史也

一舊志職官首太守僮芝孫輔按二人皆孫吳時廬陵守當是時贛雩且爲廬陵屬邑未名郡安得名守乎獨書二人又何謂也若盧光稠盧延昌黎求李彥圖譚全播五人則乘亂自立者法不當書今併削之

一督撫重臣監司尊秩非郡邑例也載於郡乘不幾僭乎第度爲督撫駐節地巖瞻攸在而保鄣屏藩寔切依賴首列統轄政以表庶僚之冠冕也其功績顯著者別爲敘述則竊附於遷史傳公儀休子產之意云

一韜爲江廣閩粵之交督府節鉞在焉列營布校文武具備屹然稱重鎮矣增志兵防所以示有備無患意也

一有兵斯有餉章貢兩橋之征凡以爲軍儲計耳權政脩廢不獨係軍儲之盈縮而商民之休戚因之增志權關亦舉其政之大者也

一自晉太康三年置郡以來凡千三百七十有餘歲矣隨地生才應自不乏乃所志人物無幾何也世代變更屢罹兵燹典籍散軼僅存者亦掇拾煨燼之餘耳里巷砥脩之士多就湮沒無怪也由宋而降頗有聞者紀在史冊而志載其行事反寥寥數語不具見其本末豈志之法嚴於史邪爰蒐採其言行可爲矜

式者詳著于篇俾後之景行者有徵焉諛辭
溢美則所不敢

一薦辟乃里選遺意舊志載而未詳且有脫誤
今稍加核焉武舉出身科目安可畧也則別
附之胥吏不書以不勝書也亦郡志之體也
中有行蹟可紀者仍列之鄉賢

一各宦鄉賢生前不書一以名位未艾一以鄉
論未定也其官師去任而功德在人口碑者
聊述其概以俟異日採錄節婦年踰六十已
合令甲雖未卽世俱備書之若他州縣寄籍
者卽被旌不書以原籍自有志也

一志特書各宦者爲其有功德於民後世不能
忘也就中或有遺議然瑕瑜自不相掩若夫
官以左而居散局席未暖而遞量移卽表表
名賢難言過化旣無攷見其政蹟而漫敘述
其生平亦泛而不切矣况其懿行偉烈載在
簡編者自可誦法志亦何必借以爲光邪故
不繫錄

一山川志中所載竒詭及名賢題詠或詳或畧或有或無不便觀覽今各另爲帙亦不泛書一詞翰之類凡有關於郡事及有徵於文獻者則錄之若夫紀功之碑亭館之碣備載虔臺志及各縣志者不槩入

一在昔名賢所爲紀述誌銘詞旨簡直咸當實不浮固足信也近世多諛言竟與其人不類反令欺世盜名者藉焉枉其實矣茲不敢採摘其一二懼虛美也銓次人物止憑公論

一舊志有忠惠廟祀郡人盧光稠韶州廟額亦如之無亦以光稠在唐僖宗時曾爲虔韶防禦使有保境功遂廟之耶抑或其父子相繼劫於餘威故稱德頌功亦猶蔡州之祠吳元濟也攷唐書載光啓元年春正月南康賊帥盧光稠陷虔州自稱刺史以其里人譚全播爲謀主書法抑何明且著和朱温篡唐在天祐四年距光啓初且二十二年卽云請命于梁願通貢賦亦據防請後之故智耳乘時之

亂爲衆所推以刺史自命專擅多年仍傳其子延昌而李彥圖譚全播俱爲帳下所擁立律以春秋之法在所討乎在所予乎傳之忠義是邪非邪削其官并刪其傳所以誅僭竊于旣死也其起廢始末則詳見紀事中

一按唐謝尚書肇生于衣錦鄉塋于本鄉之黃口皆興國地也宋陽秘閣孝本生于車村塋于通天巖皆贛縣地也二公爲郡人無疑矣乃南安志俱收入上猶豈兩姓子孫有散居

近縣者因而各推本其祖邪一統志獨尚書姓名興猶兩處互見而秘閣仍歸贛縣江西通志則并秘閣與尚書三縣重出矣宋史傳秘閣於隱逸注贛縣人與郡人李存同隱通天巖史不足據邪羅文恭公洪先序吉水銀溪謝氏譜云謝之先本江左至豫章太守顯之子稚宦于贛遂留衣錦鄉三十二世而徙銀溪在紹興之七年顯南宋人也若然則尚書之世系遠矣

一孝子盧世豪見祠本縣鄉賢南安志亦收入
上猶相傳世豪爲光稠五世孫也光稠既入
上猶則其孫亦應附見世豪爲光稠之裔與
否不可知但本傳云知縣陳廷書其事於石
陳固贛令也何得越境預上猶事據此則不
待辨而自明矣噫光稠特一時僭竊之雄耳
唐史名其爲賊旣孝子慈孫能爲之改乎乃
贛縣寧都上猶萬安俱志其爲鄉人諱言稱
王事竊恐爲晉董狐齊太史所笑

一殿中侍御王奇一統志江西通志皆載贛縣
人歷來郡志俱同獨丙申志始改入興國夫
曰初爲贛縣人後割地隸興國者自太平興
國七年以前言之可也若奇爲真宗時人則
隔一朝矣安得復言改隸乎今從舊志仍歸
贛

一舊志鄉賢中寧都有崔清獻公與之鄭侍讀
獬石城有陳晉公怨陳岐公執中皆表表有
名公卿大夫也然攷宋史及一統志崔廣州

人鄭安陸人陳南昌人史又稱廣之士由大學取科第自與之始梁昇撰崔公增城古華山墓記云其先汴人卽公遊金精山詩亦云客遊到此應忘返王彥輔塵史載獬之先本雍人五季時其祖屯田公建中徙安陸貲鏹鉅萬有陰德晚得子紆登進士第官祠曹侍郎生五子長曰獬登第至朝奉大夫次卽侍讀也其三子與孫皆任以官不繇選調王荆公誌侍讀母夫人李氏之墓世系甚詳不言

寧都又作陳司農執方墓誌曰世居洪州之南昌不知何時遷河南祥符司農葬祥符西韓村皇考晉公之塋亦不言石城按此則四公之華貫不可謂不明矣第崔公增城墓記內云贈太傅諱克者葬江西寧都縣黃金坑公曾太夫也贈太傅葬惠州河源縣義合村者公祖父也夷堅志載石城永福寺對面有丘隴高且十丈相傳是陳恭公祖墓未嘗有人拜掃豈寧石據此遂以崔陳爲邑人抑然

龐傳之塚本始延陵東坡眉人郊城封樹豈其遠籍齊魏產也石城志又以崇寧進士陳邦光爲晉公侄然晉公父贈燕國公者名光嗣邦光果孫也可直犯其祖諱乎查南昌府志宋進士首晉公不書邦光又何也卽據此以證晉公爲石人亦未確茲於數公仍注其履歷於選舉志不爲特傳以俟再攷若夫粉榆之社生旣不與其會蘋藻之薦淺乃安受其饗崔陳兩公必有不能宴然於冥漠者俟議禮君子定之陳岐公出身任子未登第舊志入進士俱誤丘墓款有宋太師陳恕墓又誤

一舊志鄉賢中興國有王編脩質按宋史質先爲鄆人徙興國不明言軍與縣也偶閱文獻通考載雪山集三卷富川王質景文撰攷富川係湖廣興國軍舊名於是檢武昌府志而覈之則傳質入興國州僑寓其注履歷與史同紹興三十年與州人周震來同舉進士而

州之政和堂恩波亭銀山寺福里寺大浩院
皆有質詩富池口吳將軍甘寧廟有質記始
訝質之非贛人也而一統志江西通志俱誤
矣既據質論贛盜嚴盜疏中一則曰臣嘗聞
之二郡者一則曰臣往在江西見所謂食菜
事魔者又曰臣往在江西見其所盜販茶者
其非贛產不較然著明乎當其時張孝祥知
荆南與質游汪澈以殿中丞宣諭荆襄張浚
以樞密都督江淮俱辟質爲屬以質居楚故

也廣輿記亦收質入武昌人物查弘治辛亥
郡志無質名嘉靖庚寅志始有之豈因一統
志江西通志乃增入之與夫名賢固有二三
處互見者不妨存疑但州縣同名興國縣之
不可溷于州猶州之不可溷于縣也州有詩
有記足證矣而縣無一可證鑿空以墓實之
且指某爲某弟某爲某孫某爲某幾世孫將
不令楚人抵掌乎郭青螺先生表章前誥採
及隣封作興國四賢傳意何厚也予也桑梓

後生柰何怨蔑先賢而妄有辯駁乎第志以
信今傳後訂訛攷誤責有槁焉如明知其非
是而姑冒以爲名是以拜郭汾陽墓者待里
人薄滋甚矣旣無所疑不存之可也

一舊志中有訛誤者如沿革條南宋武帝永祿
元年置南康國而誤爲順帝昇明初南唐昇
元初年取吳地置昭信軍而誤爲長興二年
吳置南部都尉于雩都始析雩都地置陽都
縣晉太康元年改陽都曰寧都太康三年平

吳改南部都尉爲南康郡以南海郡揭陽縣
屬焉見廣東通志甚明其曰吳嘉禾五年析
雩都東北地于陂陽鄉白鹿營置揭陽縣實
此三年徙揭陽縣治陽田營改曰陽都者皆
非也秩官條鄭起潛宋嘉熙中誣爲史嵩黨
貶知虔州而誤入唐刺史蔡挺提點江西刑
獄兼提舉虔州鹽曾樵通天巖石刻稱通守
而俱誤爲軍事推官孫明復以狂人孔直溫
波及坐貶而專責夏竦陳從易知漢州事強

作虔州事尹洙坐黨范仲淹貶監郢州酒稅
徙唐州宋史并歐陽永叔墓誌可證而誤以
唐州爲虔州郭昂爲廣東宣尉使一統志叙
其履歷并及其三子長震杭州路鎮守萬戶
次惠僉江西廉訪司事次豫知寧都州今舍
豫而書其父昂又書昂習武擒蠻事絕與作
州不類繆觀國宋淳熙間龍南丞寇淮永樂
間龍南令今遺寇淮名不錄而以淮事注于
觀國下人則宋而事則當代大可啖馮公康
洪武五年任府同知贛州衛碑載奉訓大夫
同知贛州府事而誤列太守之首蕭贖南齊
贛縣令而入五代趙汝盟宋嘉定十六年贛
縣令而入洪武今悉更定此類尚多不能盡
舉也

一補舊志所佚漏者今據見聞所及職官條自
晉至五代補刺史二十九人太守十人國相
郡相郡丞郡內史共二十四人別駕司馬長
史參軍共十人孔目一人南都都尉二人節

度使五人宋知軍州事三十一人通判十七人推官三人參軍十人監稅務三人教授四人縣令三十八人丞簿尉四十三人元總管二人同知八人判官三人推官一人經歷三人知事一人教授四人學正二人縣尹一人達魯花赤一人丞簿六人教諭五人書院山長一人國朝自嘉靖丙申以前知府一人同知二人幕僚四人教官九人知縣十八人丞簿典史十五人教官十八人名宦條前代

補虞潭劉繪宗元饒許圉師張式孔宗翰趙善佐陳孔碩李昂英范璿伯顏蕭贖張九臯錢觀魏懋胡文舉蕭生凡十七人國初至

弘治補顧瞻李璉張璵崔天錫朱克敬陸賢宋濂何文縉蔣曙梁潛李炯司馬軫凡十二人選舉條補進士六人薦辟六人鄉賢條前代補鄧德明廖偃廖凝廖光圖呂倚陳鳳曾集曾逮曾松嚴宗趙東野鍾克俊鍾柔鍾廷芳劉明德凡十五人國初補劉丞直曾魯

山鍾盤唐均弼王竹逸蕭極勅湯銜余寬凡
八人又補列女五人方外十六人

一郡志採輯邑志而成之者也吾郡屬邑各有
志獨會昌石城兩邑無刻本賴有弘治刻本
余爲諸生猶及見之而今亡矣零志脩于李
中丞涑寧志脩于盧壘卿達吳比部天德三
君載筆謹嚴非所謂信而有徵者耶隆慶間
張旌德淵有意信豐志力追古昔勸成一家
之言業已脫藁頤以嫌忌改削其原草過半
書出人有遺議焉惜也其它或新或舊均之
可備一時攷覽然龐襍誣誕間亦有之蓋綠
草野弗諳典章譜牒妄爲攀附掠美者旣不
耻于冒屢當事者復欲槩自鋪張曲徇人情
何關風勸甚者錢神得通其徑竇賈豎竄入
于仕流穢行先麗于刑書高致嗣登于新乘
則志之濫觴也徒爲有識者所鄙笑而已妄
有取裁難免同異知我罪我其在斯乎

贛州府志卷之一

輿地志一

畫壑分圻爰定方國地邑民居參錯相得
被山帶川闢衢浚洫政與俗宜莫茲兆億
志輿地第一

沿革

贛州府

虞分十二州禹貢在揚州之域

周職方隸揚州武王克商封仲雍之孫勾章于

吳地屬吳元王三年越王勾踐滅吳地屬越
顯王三十六年楚威王熊尚滅越地屬楚

秦始皇二十五年滅楚明年分揚州置三郡江
以西爲九江郡地屬九江

漢高祖元年楚項羽立黥布爲九江王五年漢
滅楚改九江郡爲淮南國仍王布地屬淮南
六年潁陰侯灌嬰定江南分淮南置豫章郡
屬揚州十一年布反誅封子長爲淮南王王
布故地又封兄子濞爲吳王割豫章郡屬吳

景帝三年濞反誅國除改豫章爲郡領縣十
八潁雩都南野隸焉獻帝初平二年割豫章
之廬陵平都潁雩都南野五縣增石陽縣爲
廬陵郡建安中孫權據吳析廬陵地置南部
都尉于雩都析潁地置平陽縣析雩都地置
陽都縣析南野地置南安縣領縣六

晉武帝太康元年改平陽曰平固改陽都曰寧
都南安曰南康三年平吳改南部都尉爲南
康郡益以南海郡揭陽縣併潁雩都南野寧

都平固南康凡七年五年又析寧都地置陂陽縣領縣八惠帝元康元年割荆陽十郡置江州都督府南康隸焉領八縣如故成帝咸和三年南海立東官郡揭陽縣改屬東官南宋武帝永初元年置南康國領縣七曰贛曰雩都曰南野曰寧都曰平固曰南康曰陂陽孝武大明五年以寧都度化屯立度化縣領縣八仍隸江州

梁郡隸江州領縣如齊武帝大同十年析雩都地置安遠縣尋廢

齊書州郡志載永明八年罷安遠縣疑誤

陳郡隸江州領縣如梁

隋文帝開皇九年改南康郡爲虔州隸洪州總管府領贛雩都虔化南康四縣餘俱併入煬帝大業初復爲南康郡領縣如舊

唐高祖武德五年復爲虔州領縣如隋隸洪州總管府太宗貞觀元年分天下爲十道虔州隸江南道高宗永淳元年析南康東南地復

置南安縣中宗神龍元年陞大庾鎮爲大庾縣玄宗開元二十一年分江南爲東西道虔州屬西道天寶元年復爲南康郡改南安爲信豐縣又置百丈鎮尋改曰虔南肅宗乾元元年復爲虔州隸都防禦團練觀察處置使代宗廣德二年復爲江南西道隸如故德宗貞元四年復析雩都南三鄉地置安遠縣領縣七曰贛曰雩都曰虔化曰南康曰信豐曰大庾曰安遠憲宗元和六年第爲上州懿宗咸通七年陞百勝軍昭宗天祐元年析雩都象湖鎮置瑞金監仍領七縣

五代梁貞明四年僞吳楊隆演遣劉信攻克虔州執譚全播以歸地入僞吳改節度使以信豐虔南鎮爲場後唐同光二年割南康西南地置上猶場南唐昇元初李昇取吳地置昭信軍李璟保大十一年陞上猶場爲上猶縣瑞金監爲瑞金縣虔南場爲龍南縣寧都石城場爲石城縣領縣十一

宋太祖開寶八年曹彬下江南十九郡改昭信軍爲軍州領縣如故太宗太平興國元年分江南東西路虔州屬西路七年析贛縣湫江鎮之七鄉益以廬陵泰和地置興國縣又析雩都九洲鎮地置會昌縣領縣十三淳化元年割南康大庾上猶三縣別置南安軍虔州領縣十徽宗大觀六年升望郡高宗建炎四年併東西路爲一置三帥虔州隸鄂州路紹興初復分東西路州仍隸西路二十三年因

校書郎董德元言虎頭州非佳名始改虔州

曰贛州改虔化曰寧都仍領十縣理宗紹定

四年陞會昌縣爲軍度宗咸淳五年復爲縣

元世祖至元十三年改州隸江西行中書省領

縣如宋二十四年併龍南入信豐併安遠入

會昌領縣八成宗元貞二年改贛州爲路領

縣五曰贛曰雩都曰興國曰信豐曰石城陞

寧都會昌爲州瑞金隸會昌州至大二年復

增置龍南安遠隸寧都州

章州府志 卷之二
國朝洪武二年改贛州諾爲府寧都會昌州爲
縣領縣十隸江西承宣布政使司嘉靖四十
年兩廣制府張公臬南贛督府陸公穩以程
鄉縣地介四藩漸爲盜藪疏請割武平安遠
興寧上杭之地於豪居地方建立縣治以扼
廣賊入江之路明年縣成名平遠隸贛州四
十三年里民奏願還三縣割地止分程鄉之
義化等鎮與興寧之大信都爲裁減縣隸潮
州隆慶元年都御史吳公百朋剿撫龍南下

歷高砂賊巢議割安遠大石小石伯洪等堡
信豐南方十里員魚迺腦等堡於地名蓮塘
奏設定南縣萬曆四年都御史江公一麟計
平安遠黃鄉賊 割本縣雙橋石溪等十
五保於地名馬蹄岡奏設長寧縣俱屬贛州
府統轄領縣十二

論曰贛自置郡以來渙萃合離何紛紛也寧
惟壤土割裂白竈變遷瞻烏之靡定卽郡邑
之名儻而更儻而復復未幾旋又更之蓋殺

然禱出矣世代遞更耳目啓眩襲訛承舛人
與事將無失真已乎且南康之爲郡自隋開
皇九年始改虔州至大業初及唐天寶復爲
南康郡則從唐隋以前迄于晉史冊中凡稱
南康者竝郡也卽兼以名邑猶之郡屬也宋
淳化元年置南安軍始割南康縣專屬南安
則取郡事以入邑取淳化以前郡事作軍事
皆溷也今邇其本始詳其分合釐其謬誤俾
披圖者庶有攷證焉若夫地當吳楚閩粵之

交督府建牙萍泉分部參帥開闡都統列營
所隸十有二地視他郡獨倍號曰雄鎮非與
分野

黃帝分星次斗一度至婺女七度日須女又曰
星紀于辰在丑

西漢天文至斗江湖牽牛婺女揚州地理志吳
地斗分越地牛女分

史記天官書二十八舍王十二州斗秉兼之吳
楚之疆候在熒惑占爲烏衡

東漢天文志注斗王衡第六星王揚州地理志
吳地斗分野越地牽牛婺分野

魏太史令陳卓言郡國所入宿度曰豫章入南
斗十度豫章今贛地是也

晉天文志自南斗十二度至須女七度爲星紀
於辰在丑吳越之分野屬揚州豫章入斗十
度

隋地理志揚州於禹貢爲淮海之地在天官南
斗十二度至須女七度爲星紀於辰在丑

唐天文志吳星紀初起斗十度中斗二十四度
終女四度

僧一行山河兩戒以南斗在雲漢下流當淮海
間爲吳分牽牛去南海寢遠自豫章迄會稽
南踰嶺徼爲越分

宋兩朝天文志天市垣二十二星東西各列十
一星其東垣南第六星曰吳越

元史斗四度三十六分六十六秒外入吳越星
紀之次

國朝清類分野書吳分野斗牛在丑自斗二度
至女一度屬吳越分揚州

上元太微垣上台司命下星主荆揚中元紫微
垣北極權星主揚下元天市垣東垣第六星
曰吳越南斗六星中二星曰天相主豫章五
車在畢宿北東南一星曰司空主楚

按贛古揚州吳越地又屬楚又爲豫章屬縣
故星次宜隨之

論曰周官保章氏以星土辨九州地所封域

各有分星吉凶沴祥徵應不爽要以仰觀俯
察政教之所必先也贛故禹貢揚州之域於
春秋爲吳越於分星爲斗牛女於次舍爲星
紀於辰爲丑於候爲熒惑於占爲烏衡於北
斗屬權星於南斗屬天相星於太微垣屬上
台下星於天市垣主東南垣吳越星於五車
麗司空星歷據天官書所載其從來久遠矣
第九州之地惟揚最夫揚州分野惟斗牛之
屬最遠贛在一隅宿無專直星躔度數之合

與不合安所取衷哉僧一行曰星之與土以
精氣相屬而不係於方隅其說近是必一
推步而精求之恐終涉景響亡當也天道誠
遠乎夫亦信其可知者而已

氣候

贛當江西上游所轄十二邑皆阻山帶川地勢
既偏天氣隨之雨暘寒燠之候較之中土稍
異每正月雨水以後陰霾日多晴霽日少三
四月內暴雨時作溪流泛漲冬深陰雨靈靈

斷而復續雲封山巔或旬日不解此一歲兩
暘之大槩也每歲春初迄芒種之前綿衣袷
服惟視雨暘爲節芒種以後則日迫於熱矣
炎歊蒸鬱多在三伏而入秋彌烈至白露霜
降風氣漸涼三冬不甚寒雪霰間一二作盆
盎貯水凝凍見日卽融太抵地近炎嶠氣因
日陸夏至以後日行北陸去日頗遠故不甚
熱冬至以後日行南陸就日頗近故不甚寒
若夫瘴氣則郡郭爲少而信豐安遠龍南石

城諸處時有之二三月者爲青草瘴五六月者爲黃茅瘴八九月者爲新禾瘴然亦多山谷間而近城郭俱少至冬月之交寒氣嚴肅其瘴自息

形勝

昔人謂贛爲江湖樞鍵嶺嶠咽喉接甌閩百粵之區介谿谷萬山之阻貢川章川結襟帶梅嶺桂嶺來朝宗望闕鬱孤軒豁於前阜蓋白鵲瞰臨左右一郡之形勝具是矣諸屬邑在

郡東南各有分土卽境內山水環峙雄特一方夫誰不曰壯哉縣也奚論大小通僻哉覽山川志亦可概見固不必一一摹擬之已

論曰形勝之說卽易地險山川丘陵之謂也秦之四塞齊之十二楚之漢水方城蜀之劍門瞿峽繇此稱焉吾郡大山長谷石灘迅流水陸之險備矣李遷仕敗于石梁金人阻于皂口夫非地利之足恃邪據險以圖畫地而守則勝之道也彼佳山佳水止供詞人賦客

選勝之遊耳形勝云乎哉

疆界

贛州府廣四百九十里袤六百六十里

東界福建長汀縣大隘嶺四百六十里南界
廣東翁源縣桃嶺五百二十五里西界南康
縣五總舖三十里北界萬安縣分水嶺一百
三十五里東南界長汀縣天井嶺五百四十
五里東北界廣昌縣脩嶺四百二十里西南
界南安府楊梅嶺一百五十里西北界龍泉
縣黃土嶺二百一十里

自本府驛路至省城一千二百里至南京二
千八百一十里至北京五千六百七十里

贛縣附府城廣一百一十里袤二百六十五里
東界雩都縣馬鞍石八十里南界信豐縣苦
竹垌一百三十里西界南康縣五總舖三十
里北界萬安縣分水嶺一百三十五里東南
界雩都縣芴洲五十里東北界興國縣亂石
嶺一百二十里西南界信豐縣大湖墟一百

二十里西北界龍泉縣黃土嶺二百一十里
縣名取章貢二水合流之義初割置平固縣
後割置興國縣然附郭如故編戶一百九里
雩都縣廣一百里表一百七里

東界瑞金縣牯口徑五十里南界信豐縣重
石山七十二里西界贛縣石鼓山五十里北
界贛縣磜上三十五里東南界會昌縣义千
堡七十里東北界寧都縣黃沙一百七十里
西南界信豐縣籠官山一百一十七里西北

界贛縣芴洲八十里

縣距府東一百五十里以北有雩山故名地
最大初爲都尉治後割置寧都會昌安遠瑞
金石城諸縣地漸以縮編戶一十五里
信豐縣廣二百七十五里表一百四十五里

東界會昌縣重石嶺一百二十五里南界龍
南縣東坑一百里西界大庾縣楊梅嶺一百
五十里北界贛縣苦竹烟四十五里東南界
安遠縣平坑一百里東北界贛縣大湖墟五

十里西南界南雄府保昌縣柯木垵六十里
西北界南康縣嶺嶺五十里

縣距府東南一百七十五里初分南康地爲
南安縣改爲信豐以天寶初年當豐亨之會
也一云以縣北有廩山取義編戶七里

興國縣廣二百四十里袤一百二十五里

東界寧都縣梅窖一百八十里南界贛縣石
窖四十里西界萬安縣均村六十里北界廬
陵縣朱嶺一百二十里東南界雩都縣公布

小羅一百二十里東北界永豐縣南雲八十
里西南界贛縣賚口六十里西北界泰和縣
羅村橋九十里

縣距府東北一百八十里卽故固平縣地以
宋太平興國七年所置得名編戶五十七里
會昌縣廣二百二十五里袤一百三十里

東界武平縣大禾陶一百二十里南界長寧
縣芙蓉寨一百二十里西界安遠縣長河營
一百里北界瑞金縣洛村舖一十里東南界

武平縣背寨一百二十里東北界瑞金縣五里排五里西南界安遠縣赤珠岡八十里西北界雩都縣承口上黃灘八十里

縣距府東二百里以置縣時鑿井得甕甌有唐會昌年篆書因名原額六里後割長河等四保補入安遠今編戶止五里

安遠縣廣二百三十里袤四百三十五里

東界長寧縣沙含大陽關四十里南界定南縣龍泉保九十里西界信豐縣里仁保六十

里北界會昌縣五龍保一百里東南界程鄉縣陳田二百一十里東北界會昌縣清溪一百八十里西南界龍川縣鐵龍三百三十里西北界信豐縣平坑一百一十里

縣距府南三百四十里以縣南有安遠水故名原額五里後割伯洪黃鄉等十八保建定南長寧縣今止四里

寧都縣廣一百七十五里袤三百一十里

東界石城縣浮嶺六十里南界瑞金縣蕉嶺

一百三十里西界雩都縣黃于嶺一百一十五里北界宜黃縣土嶺一百八十里東南界瑞金縣大栢地村口八十里東北界廣昌縣脩嶺六十里西南界雩都縣排雲舖三十里西北界永豐縣竹篙嶺一百九十里

縣距府東北三百六十里以晉移縣治于太平里故改陽都曰寧都編戶一百一十七里

瑞金縣廣一百里袤二百五里

東界長汀縣大隘嶺二十里南界會昌縣五

里排七十五里西界雩都縣廊當嶺八十里

北界寧都縣蕉嶺一百三十里東南界長汀

縣石腦嶺六十里東北界石城縣曾田地八

十里西南界會昌縣黃安巖四十五里西北

界寧都縣大栢地村口九十里

縣距府東三百八十里以監陞爲縣其地嘗

允土得金因以瑞名編戶八里

龍南縣廣一百八十里袤一百三十五里

東界定南縣關西五十里南界河源縣分水

坳一百一十里西界始興縣峽頭嶺一百三十里北界信豐縣靈應山二十五里東南界龍川縣油潭水一百里東北界信豐縣峯門嶺八十里西南界翁源縣東桃嶺一百里西北界始興縣分水坳一百里

縣距府南四百一十里以場陞爲縣因南有龍潭故名編戶五里

石城縣廣五十五里袤一百四十里

東界寧化縣站嶺三十五里南界長汀縣天

井嶺八十里西界寧都縣浮嶺四十里北界

廣昌縣鐵樹坳六十里東南界寧化縣羊牯

梢頭六十里東北界寧化縣塹頭嶺六十里

西南界瑞金縣曾田坳六十里西北界寧都

縣東龍嶺四十里

縣距府東北四百六十里以石山聳峙如城

故以名場後陞爲縣遂襲其名編戶九里

定南縣廣一百六十里袤一百二十一里

東界龍川縣小山一百三十里南界和平縣

山頂止一里西界龍南縣汝龍五十里北界
信豐縣內江一百八十里東南界長寧縣箭
桐逕一百六十里東北界安遠縣龍泉一百
四十里西南界和平縣瀘頭一百里西北界
龍南縣關西六十里

縣距府南四百六十里以邑新造取平定之
義故名編戶四里

長寧縣廣一百六里袤二百六十里

東界武平縣烏戰嶺八十里南界平遠縣烏

石一百八十里西界龍川縣去祥八十里北

界會昌縣清溪八十里東南界平遠縣歐畬

六十里東北界會昌縣沙羅嶺七十里西南

界興寧縣羅浮司一百四十里西北界安遠

縣大陽關七十里

縣距府南四百二十里以邑新造取安寧之

義故名編戶二里

十二邑各以至府道里增筭其達省城及南
北二京路程俱準府

論曰贛爲四省之交流寓寔蕃此疆彼界踪跡匪易乃告訐抵讎者徃徃詭籍相蒙膚受罔上其意不在角勝而在株連蔓引以張機穽報宿怨焉耳緩之則益爲訇急之則巧爲避神鬼出沒沈命舍匿之法不得行官府經年苦勾攝民之受其荼毒寧有已時耶儻跡其尤重懲之母令脫網狡黠亡賴輩庶或有警乎

贛州府志卷之一終

